

Cungzcoj Si Gawjbanh Cangh-fwen Bouxcuengh Beizyinbanh

崇左市举办壮族歌师歌手培训班

□ Dwnq Haijoub/邓海周

Vihliux vatgud caeuq ungganq canghfwen bouxcoz Bouxcuengh, gyagiengz gij cunghhoz naengzlig gyoengq canghfwen, coicaenh daengx si fwen Bouxcuengh ndaej fazcanj ndaej fanzyungz, Cungzcoj Si Minzyijvej youq 11 nyied 12-14 hauh youq Cungzcoj Si Dangjyau gawjbanh canghfwen Bouxcuengh beizyinbanh. Baez beizyin neix, cujyau neiyungz miz: Minzcuz cwngcwz fazgveih cihsiz nem dangqnaj hong minzcuz hingzsi; Sawcuengh gihcuj cihsiz caeuq “fwenbeij” Bouxcuengh; gij banj-daeuz sij fwen Bouxcuengh; baenz-lawz sij caeuq fanhoiz fwen yendai.

Aen beizyinbanh neix gungh miz 42 boux yozyenz, gyoengqde dwg daj 7 aen yienh (si gih)daeuj, dwg boux canghfwen Bouxcuengh daibyauij caeuq doengh boux guh hong minzcuz yijvwnz haenx.



▲ Bouxboux canghfwen cungi haeujsimlili dingq lauxsae gangj goq.



▲ Goyawz seizgan, boux yozyenz ndeu hwnj daiz bae eu fwen hawi daihgva dinga.

▲ Canghfwen Bouxcuengh beizyinbanh yienh-ciengz.

Dwzbauij Yen Guh Cuengh Gun Song Saw Vah Sonhag Yenzdauj Hozdung Lai

德保县壮汉双语课堂教研活动活跃

□ Lij Cangzvu Luz Sanh/李常务 陆杉



▲ Lungzsangh Cin Cungh-sinyau, aen laeuz sonhag Cuengh Gun song saw vah sonhag sifan gihdi.



▲ Gyoengq lauxsae, boux-lauxhangz dox daujlun gyauhliuz.



▲ Gyoengq hagseng nyinh-caen dingq goq.



▲ Lauxsae youq gwnzdangz nyinhcaen gangj goq.

Youq ndaw gyausiz, gyoengq lwgnyez yaengx dwk gaiqbaiz gwnz sij miz “o、u、w、i” gij cihmeh haenx, dox ra “baengzyoux”, lauxsae heuh song boux “baengzyoux” gyoebbaenz cih yinhmeh Sawcuengh ndeu, heuh boux hagseng ndeu doeg, doeklaeng hawj gyoengq hagseng daeuj bingzbuenq roxnaeuz gaijingq……11 nyied 8 hauh, Dwzbauij Yen youq Lungzsangh Cin Cunghsinyau hwnj dangzgoq goenghai Cuengh Gun song saw vah sonhag ndeu. Youq gwnz dangz, hagseng doenggvaq guh’ angq daeuj geiq cihmeh yinhmeh, nauhyied dangqmaz. Ndaw yienh Lungzsangh、Duh’ anh、Nazgyaz daengj 3 aen yangh(cin) cunghsinyau caeuq yienh gyauyenzsiz、yienh Sawcuengh hagdangz 80 lai boux lauxsae、lauxhangz camgya dangz goq neix.

Youq Swcigih Gyauzyuzdingh cijdauj baihlaj, bineix 5 nyied, Dwzbauij Yen ginggvaq gohyoz gveihva、dungicouz anbaiz, gietdingh dawz Duh’ anh Yangh Cunghsinyau、Lungzsangh Cin Cunghsinh yau、Nazgyaz Yangh Cunghsinyau、Duh’ anh Yangh Gizgyangh Cunh Vanzsiuj、Nazgyaz Yangh Dingluz Cunh Vanzsiuj、Nazgyaz Yangh Dohmu Cunh Vanzsiuj、Nazgyaz Yangh Naluz Cunh Vanzsiuj daengj 7 aen hagdangz lied haeuj daengx yienh Cuengh Gun song saw vah sonhag “sifan gihdi” gensez fanveiz. Vihliux gyagiengz Cuengh Gun song saw vah sonhag fuengfap caeuq yenzgiu, daezsang lauxsae sonhag suijbingz, caux aen fwnveiz ndei Cuengh Gun song saw vah gyauyuz yenzgiu, Dwzbauij Yen cizgiz gaihcanj Cuengh Gun song saw vah sonhag yenzdauj hozdung, daengz seizneix, gaenq guh gangj Vahcuengh gojgaeq doxdax、sij Sawcuengh doxdax、gwnzdangz sonhag doxdax daengj hozdung 16 baez.

Doenggvaq guh gij hozdung neix, sawj Dwzbauij Yen Cuengh Gun song saw vah sonhag cizlieng mboujduenh ndaej daezsang, baenz le daengx gih Cuengh Gun song saw vah gyauyuz doengzyamq sonhag、ngeihloih mozsi sonhag sawqniemh sifan cozyung.